

破邪論集序

唐 虞 秘 書 製

微九

若夫神妙無方非籌筭能測至理凝邈豈繩
準所知實乃常道無言有崖斯絕安可憑諸
天縱窺其窅冥者乎至於五門六度之源半
字一乘之教九流百氏之目三洞四檢之文
苟可以經緯闡其圖詎可以心力到其境者
英猷茂實代有之焉法琳法師者俗姓陳穎
川人晉司空羣之後也自梁及陳世傳纓冕
爰祖及伯累業儒宗法師少學三論名聞朝

野長該衆典聲振殊俗威儀肅穆分節淹通
留連清翰發擿微隱比地方春藏用顯仁之
量如愚若訥外闇內明之功固能智周測海
道亞彌天豈止操類山濤神侔庾亮而已爾
其文情乃典而不野麗而有則猶八音之並
奏等五色以相宣道行則納正見於三空極
羣迷於八苦既學博而心下亦守卑而調高
實釋種之梁棟蓋人倫之羽儀者矣加以賑
乏扶危先人後己重風光之拂照林牖愛山
水之負帶煙霞願力是融晦迹肥遯以隋開

皇之末隱於青溪山之鬼谷洞焉迴揜巖崖則蔽虧日月空飛戶幘則吐納風雲其間採五芝而偃仰遊八禪而寢息餌松朮於溪澗披薜荔於山阿皆合掌歸依摩頂問道經行恬靜十有餘年然其疊嶂危岌長松巨壑野老之所棲盤古賢之所遊踐莫不身至目覩攀穴指歸仍撰青溪山記一卷見行於世太史令傳夾學業庸淺識慮非長乃穿鑿短篇憑陵正覺將恐震茲布鼓竊比雷門中庸之人頗成阻惑法師愍彼後昆又撰破邪論二

卷雖知虞衛同奏表異者九成蠅驥並馳見奇者千里終須朱紫各色清濁分洌訶以凡測聖之豐責以俗校真之咎引文證理非道則儒典致深情指的周密莫不輟亂旗靡瓦解冰銷入室有操矛之圖厥角無容頭之地

散九

二

於是傳寫不窮流布長世若披雲而見日同迷縱而得道法師著述之性速而且理凡厥勒成多所遺逸今散採所得詩賦碑誌讚頌箴誠記傳啓論及三教系譜釋老宗源等合成三十卷法師與余情敦淡水義等金蘭雖

服制異宜風期是篤輒以藤綆聯彼珪璋編
爲次第其詞云爾

上殿下破邪論啓

法琳啓緬尋三元五運之肇天皇人帝之興
龜圖鳥策之文金版玉笥之典六衡九光之
度百家萬卷之書莫不導人倫信義之風述
勛華周孔之教統其要也未達生死之源陳
其理也不出有無之域豈若五分法身三明
種智湛然常樂何變何遷邈矣真如非生非
滅而能道資萬有慈被百靈啓解脫彼岸之

津開究竟無爲之府拔羣生於見海之外救
諸子於火宅之中但化隔葱河千有餘載教
流漢土六百許年龕塔相望神人接踵所以
道安登秦帝之輦僧會上吳主之車高座法
師能陳八正浮圖和尚巧說五乘化洽九州
福霑三世其爲利物此之謂歟有隋褫運駢
馬生郊災起四兇毒流百姓慧燈既隱法雨
將收賴我大唐上應乾心下協黎庶補天以
麗三象紐地以安五嶽生民蒙再造之恩釋
門荷中興之賜方欣六茲五帝四彼三皇反

微九

三

淳朴之風行無為之化竊見傳弈所上誅毀之事在司既不施行弈乃公然遠近流布人間酒席競為戲談有累清風寔穢華俗長物邪見損國福田理不可也伏惟殿下往藉三多久資十善赴蒼生之望膺大寶之期道叶隆平德光副后發滂雷之響則蟄戶俱開啓明萬之暉則幽衢並鏡赫矣允矣難得名矣固以漢光重世周卜永年復能降意福門迴情勝境津梁在念墻壑為心伏願折邪見幢然正法炬像化被寄深幸茲乎不任憤懣怒

焉之志謹上破邪論一卷塵黷威嚴伏增悚息謹啓

武德五年正月二十七日上

破邪論卷上

唐沙門釋法琳撰

太史令朝散大夫臣傳弈上減省寺塔廢僧尼事十有一條臣言臣聞犧農軒頊治合李老之風

彈曰詩云上以風化下下以風刺上老子在周為守書藏史如今秘

書官也本非天子有何風虞夏湯姬政符周
化令儀農上帝與之合治虞夏湯姬政符周
孔之教彈曰周公孔子並是國臣上迷虞夏
自為教主豈令虞夏四雖可聖有先後道德
不別君有沿革治術尚同竊聞八十老父擊
壤而歌十五少童鼓腹為樂耕能讓畔路不
拾遺孝子承家忠臣滿國然國君有難則殉
命以報讎彈曰既國並忠臣何得有難父母
有病則終身以側侍豈非曾參閔子之友庠
序成林墨翟耿恭之儔相來羽翼彈曰二十
曾參漢高已前獨推閔子成林之乃有守道
言無寔明翼之秦本虛事太過矣

合德無欲無求彈曰州吁叔段不能守道寵
辱若驚職參朝伍彈曰清崇昇統未肯若荆
山鼎上攀附昇龍維氏壇邊相從駕鶴瑤池
王母之使具禮來朝碧海無夷之神周行謁
帝所以然者當此之時共遵李孔之教黃帝
昇龍蓋是三皇之世瑤池王母復是周穆之
時計此李老木出之前孔正無名之日不應
反遵老教而無胡佛故也彈曰汝既稱無自
却習孔書而無胡佛故也佛亦不得有道自
漢明夜寢金人入夢傳毅對詔辯曰胡神彈
周世不來傳毅豈知有佛量已先來有佛是
傳氏得知先祖言佛汝反稱無五逆重殃自
貽永後漢中原未之有信彈曰虛魏晉夷虜
劫也

永樂北藏

破邪論

第一五一册

信者一分

彈曰禮樂永冠晉朝始信符融託

佛齋而起

逆逃竄江東呂光假征胡而叛君

跼立西土

彈曰時人城融誘云結聚呂光征

亦不由僧

降斯已後妖胡滋盛太半雜華

世有緣度正在於斯

摺紳門裏翻受禿丁

邪戒儒士學中

倒紛妖胡浪語歲曰摺紳

士貴金

曲類哇歌聽之喪本臭同鮑肆過者

失香

彈曰發汝聲揚汝鮑臭聽之必知喪

斯言

兼復廣置伽藍壯麗非一歲曰造生天

信矣

勞役工匠獨坐泥胡歲曰爭運身撞華

夏之鴻鐘集蕃僧之偽衆

歲曰鳴百鍊之神鐘名三千之聖衆

動溥民之耳目索營私之貨賄

歲曰惑信心

貨賄之工工羅綺剪作淫祀之幡

巧匠金銀散

雕舍利之塚

歲曰女工羅綺造續命之塔

麵米橫設僧尼之會香油蠟燭在照胡神之

堂

歲曰杭梁米麵爭陳福田之堂剝削民財割

截國貯朝廷貴臣曾不一悟良可痛哉

彈曰朝廷

積古捨俗歸具崇

伏惟陛下定天門之開闔

更新寶位通萬物之延否再育黔黎布李老

無為之風而民自化執孔丘愛敬之禮而天

下孝慈且佛之經教妄說罪福廣曰原教所由示人斷惡
之門問人軍民逃役剃髮隱中不事二親專十善之路
行十惡歲曰捨二親之息愛修十善歲月不之仁風忍其小違以成大順
除奸偽逾甚臣閱覽書契爰自庖犧至於漢高二十九代四百餘石但聞郊祀上帝
高二十九代四百餘石但聞郊祀上帝員曰
兩郊才免殺生之咎且如佛戒官吏民察未
不殺為先校量是非斷可知矣
見寺堂銅像建社寧邦請胡佛邪教退還天
竺藏曰緣感則興事說便息來然應物隱顯隨時凡是沙門放歸桑
梓令逃課之黨普樂輸租避役之曹恒忻効
力勿度小禿長揖國家彈曰昔嚴子陵不拜天子趙元叔長揖司

聖典籍稱其美也況沙門是出世福田釋氏
為物外高士欲令拜謁違損處深理不可也
自足忠臣宿衛宗廟則大唐廓定作造化之
主百姓無事為犧皇之民彈曰造化之世人
鼓腹而卧聖門在上豈臣奔誠惶誠恐事彈曰
信崔浩姜斌之詞者乎臣奔誠惶誠恐事彈曰
盡忠言而有信聞奏不實罪有所歸謹上益
誣罔國家終須伏劒豈惶恐能了六
國利民事十有一條如左謹言彈曰如沙所奏損國害民
可不事也
武德四年四月二十日上
上秦王論啓
沙門法琳等啓琳聞情切者其聲必哀理正

者其言必直是以窮子念達其言勞人願歌
其事何者竊見大業末年天下喪亂二儀騷
黷四海沸騰波振塵飛丘焚原燎五馬絕浮
江之路七重有平壘之歌烽燧時警羽檄競
馳關塞多虞刀斗不息道消德亂運盡數窮
轉輸寔繁頭會箕斂積屍如莽流血爲川人
不聊生物亦勞止控告無所投骸莫從百姓
苦其倒懸萬國困其無主豈圖法輪絕響正
教凌夷聖上興弔俗之心順昊天之神爰舉
義旗平一區宇當時道俗蒙賴華戎胥悅於

是叶天地而通八風測陰陽而調四序和邦
國叙人倫功蓋補天神倖立極降雲雨而生
育開日月而照臨發之以聲明紀之以文物
恩霑行葦施洽蟲魚方欲重述九疇再敷五
教興石渠之學布庠序之風遠効軒轅近同
文景功業永隆不知手之舞之足之蹈之者
矣竊見傳弄所上之事披覽未遍五內分崩
尋讀始周六情破裂嗚呼邪言惑正魔辯逼
真猶不足聞諸下愚況欲上千天聽但弄職
居時要物望所知何容不近人情無辜起惡

然其文言淺陋事理不詳辱先王之典謨傷人倫之風範何者夫人有言言必有中夫子曰一言合理則天下歸之一事乖常則妻子背叛觀弈所上之事恬其大都窮其始末乃罔冒闕廷處多毀辱聖人甚切如弈此意本欲因茲自媒苟求進達寔未能益國利民意是惑弄朝野然陛下應天順時握圖授籙赴萬國之心當一人之慶扶危救世之力夷兇靜難之功固以威蓋前王聲高往帝爰復存心三寶留意福田預是出家之人莫不感戴

天澤但由僧等不能遵奉戒行酬報國恩無識之徒非違造罪致令傳奕陳此惡言躑躅痛心投骸無地然僧尼有罪甘受極刑恨奕輕辱聖人言詞切害深恐邪見之者因此行非案春秋云魯莊公七年夏四月恆星不現夜明如日即佛生時之瑞應也然佛有真應二身權實兩智三明八解五眼六通神日不可思議法號心行處滅其道也運衆聖於泥洹其力也接下凡於苦海自後漢明帝永平三年夢見金人已來像教東流靈瑞非一具

在漢魏諸史姚石等書至如道安道昱之輩
圖澄羅什之流並有高行深解當世名僧盡
被君王識知貴勝崇重自五百餘年已來寺
塔遍於九州僧尼溢於三輔並由時君敬信
朝野歸心像教興行於今不絕者寔荷人王
之力也世間君臣父子猶謂恩澤難酬昊天
莫報況佛是衆生出世慈父又爲凡聖良醫
欲抑而挫之罪而辱之理不可得也仰尋如
來智出有無豈三皇能測力包造化非二儀
可方昔商太宰嚭問孔丘曰夫子聖人歟孔

子對曰丘博識強記非聖人也又問三王聖
人歟對曰三王善用智勇聖非丘所知又問
五帝聖人歟對曰五帝善用仁信聖亦非丘
所知又問三皇聖人歟對曰三皇善用時聖
亦非丘所知太宰大駭曰然則孰爲聖人乎
夫子動容有對曰西方之人有聖者焉不治
而不亂不言而自信不化而自行蕩蕩乎民
無能名焉若三王五帝必是大聖孔丘豈容
隱而不說便有匿聖之憊以此校量推佛爲
大聖也老子西昇經云吾師化遊天竺善入

泥洹符子云老氏之師名釋迦文直就孔老
經書師敬佛處文證不少豈亦一人所能謗
謗昔公孫龍著堅白論罪三王非五帝至今
讀之人猶切齒已爲前智不鑑良可悲矣主
上至聖欽明方欲放馬休牛軾閭封墓興皇
三之風開釋老之化狂簡之說尤可焚之若
言帝王無佛則大治年長有佛則虐政作促
者按堯舜獨治不及子孫夏殷周秦王政數
改蕭牆內起逆亂相尋爾時無佛何因運短
但琳頴居堯世日用莫知在外見不便事恐

蕃國遠聞謂華夏無識夫子曰言滿天下無
口過行滿天下無怨惡言之者欲使無罪聞
之者足以自誠傳亦出言不遜聞者悉驚有
穢國風特損華俗謹錄丹欸冒以啓聞伏惟
大王殿下天挺英靈自然岐嶷風神穎越器
局含弘好善爲樂邁彼東平溫易是歡更方
西楚加以阿衡百揆式序六條德既褰羅仁
兼裂網開康莊之第坐荀卿之賓起脩竹之
園醺文雅之客莫不詩極緣情而賦窮體物
信可譽形朝野美貫前英者焉但琳等內顧

闕如方圓寡用念傳弈下愚之甚媿凡僧禿
丁之訶惡之極也罪莫大焉自尊盧赫胥已
來天地開闢之後未有如弈之狂悖也不任
斷骨痛心之至謹錄弈害事輒述鄙詞件若
如左塵黷威嚴伏增殞絕謹啓

武德四年九月十二日濟法寺沙門

釋法琳啓

弈云海內勤王者少樂私者多乃外事胡佛
内生邪見剪剃髮膚迴換衣服出臣子之門
入僧尼之戶立謁王庭坐看膝下不忠不孝

聚結連房且佛在西域言妖路遠捨親逐財
畏壯慢老重富強而輕貧弱愛少美而賤者
年以幻惑而作藝能以矯誑而爲宗旨然佛
爲一姓之家鬼也作鬼不兼他族豈可催驅
生漢供給死胡賤此明珠貴彼魚目遠離嚴
父而敬他人何有跪十箇泥胡而爲卿相置
一盆殘飯得作帝王據佛邪說不近人情且
佛滑稽大言不及旃孟奢侈侈造作罪深桀紂
入家破家入國破國者
對曰夫出家者內辭親愛外捨官榮志求無

上菩提願出生死苦海所以棄朝宗之服披福田之衣行道以報四恩立德以資三有此其之大意也若言佛爲胡鬼僧是秃丁者按孔老經書漢魏已來內外史籍略引孔老師敬佛處文證如左以荅邪人冀其伏罪。道士法輪經言若見沙門思念無量願早出身以習佛真又云若見佛圖思念無量當願一切普入法門。太上清淨消魔寶真安志智慧本願本戒上品經四十九願云若見沙門當願一切明解法度得道如佛。老子昇玄

經云天尊告道陵使往東方詣佛受法道士張陵別傳云陵在鵠鳴山中供養金像轉讀佛經。昇玄經又云東方如來遣善勝大士詣太上曰如來聞子爲張陵說法故遣我來看子語張陵曰卿隨我往詣佛所當令子得見所未見聞所未聞陵即禮大士隨往佛所。老子西昇經云吾師化遊天竺善入泥洹智慧觀身大戒經云道學當念極大梵流影宮禮佛。昇玄經云若有沙門欲來聽經觀齋供主不得計飲食費遏截不聽當推置上

微九

十一

座道士經師自在其下。昇玄經又云道士設齋供若比丘來者可推為上座好設供養道士經師自在其下若沙門尼來聽法者當穩處安置推為上座供主如法供養不得遮止。化胡經云願採優曇花願燒栴檀香供養千佛身稽首禮定光。又云我生何以晚泥洹一何早不見釋迦文心中常懊惱。靈寶消魔安志經云道以齋為先勤行當作佛新本並改云勤行登金闕故設大法橋普度諸人物。老子大權菩薩經云老子是迦葉菩薩化遊震

旦。靈寶法輪經云葛仙公生始數日有外國沙門見仙公禮拜抱持而語仙公父母曰此兒是西方善思菩薩今來漢地教化衆生當遊仙道白曰昇天仙公自語弟子云吾師姓波闍宗字維那訶西域人也仙人請問衆聖難經云葛仙公告弟子曰吾昔與釋道徵竺法開張太鄭思遠等四人同發願道徵法開二人願為沙門張太鄭思遠願為道士。仙公起居注云于時生在葛尚書家尚書年逾八十始有此一子時有沙門自稱天竺僧

於市大買香市人恠問僧曰我昨夜夢見善
思菩薩下生葛尚書家吾將此香浴之到生
時僧至燒香右遶七帀禮拜恭敬沐浴而止
仙公請問上經云與沙門道士言則志於道
○上品大戒經校量功德品云施佛塔廟得
微九
千倍報布施沙門得百倍報○昇玄內教經
云或復有人平常之時不肯作福見沙門道
士說法勸善了無從意云云○道士陶隱居禮
佛文一卷○智慧本願本戒上品經曰施散
佛僧中食塔寺一錢已上皆二萬四千倍報

功多報多世世賢明玩好不絕七祖皆得入
無量佛國○仙公請問經云復有凡人行是
功德願為沙門道士太博至經云後生便為
沙門大學佛法為衆法師復有一人見沙門
道士齋靜讀經乃笑之曰彼向空吟經欲何
希耶虛腹日中一食此罪人耳道士乃慈心
喻之故執意不釋死入地獄考毒五苦○仙
公請問經云高上老子曰善古之時人民純
朴各懷道德虛心玄寂無為無事此風既散
百競煙起萬流分析奸切互改愚智相凌鬼

神執威衆聖並出製作教化唯令民修善自
守是以有五經儒俗之業道佛各歎其教大
歸善也。太上靈寶真一勸誡法輪妙經云
吾歷觀諸大從無數劫來見道士百姓男子
女人已得無上正真之道高仙其人自然十
微元
方佛皆受前世勤苦求道不可稱計。法輪
十三
妙經云道言夫轉輪不滅得還生人中大智
慧明達者從無數劫來學已成真人高仙自
然十方佛者莫不從行業所致也

右錄道經師敬佛文如前

按周書異記云周昭王即位二十四年甲寅
歲四月八日江河泉池忽然泛漲井水並皆
溢出宮殿人舍山川大地咸悉震動其夜五
色光氣入貫太微遍於西方盡作青紅色周
昭王問太史蘇由曰是何祥也由對曰有大
聖人生於西方故現此瑞昭王曰於天下何
如由曰即時無他一千年外聲教被及此土
昭王即遣鐫石記之埋在南郊天祠前當此
之時佛初生王宮也穆王即位三十二年見
西方數有光氣先聞蘇由所記知西方有聖

人處世穆王不達其理恐非周道所宜即與相國呂侯入西會諸侯於塗山以禳光變當此之時佛久已處世至穆王五十二年壬申歲二月十五日平旦暴風忽起發損人舍傷折樹木山川大地皆悉震動午後天陰雲黑西方有白虹十二道南北通過連夜不滅穆王問太史鳧多曰是何徵也對曰西方有大聖人滅度衰相現耳穆王大悅曰朕常懼於彼今已滅度朕復何憂當此之時佛入涅槃史錄曰吳太宰詒問於孔子曰孰為聖人乎

孔子曰西方之人有聖者焉不治而不亂不言而自信不化而自行蕩蕩乎民無能名焉

右錄孔書稱歎佛文如前

對曰書云見善如不及見惡如探湯然太上貴德其次立言德欲使人歸言欲使人信汝

微九

十四

無德庇身出言損他輕侮大聖豈為人乎但孔老聖人尚自稱揚佛法令道士等敬讓僧尼汝既稟承孔老為師何以違背師教誹毀聖尊符子曰老氏之師名釋迦文○子書牟子二卷盛論佛法○內典天地經曰佛遣三

聖化彼東土迦葉菩薩彼稱老子清淨法行
經云佛遣三弟子震旦教化儒童菩薩彼稱
孔丘光淨菩薩彼云顏回摩訶迦葉彼稱老
子。按前漢孝武帝元狩中霍去病討匈奴
至皋蘭過居延山獲昆耶休屠王等將其衆
五萬來降獲其金人率長丈餘列之於甘泉
宮漢帝以爲大福燒香禮拜及開西域遣張
騫使大夏還云有身毒國身毒國一名天竺
始聞浮圖之教魏書云漢武得金人不祭祀
但燒香禮拜而已得佛教流
通之。漢哀帝元壽元年使景憲往天竺底

國因誦浮圖經還漢當時稍行浮圖齋戒。
至章帝時楚王英喜爲浮圖齋戒奉黃鯁白
紕三十疋以贖愆詔報楚王尚浮圖之仁祠
齋潔三月與神爲誓信也。桓帝時襄楷言
佛陀黃老以課主上欲令好生惡殺少嗜欲
尚無爲。後漢書孝明帝永平三年上夢金
人項有日月光飛行殿前顧問羣臣通事舍
人傅毅對曰臣聞西域有神其名曰佛陛下
所見得無是乎帝遣郎中蔡愔博士弟子秦
景等使於天竺而圖其形像愔乃與沙門迦

攝摩騰竺法蘭東遷洛陽中國有沙門自此始也。○後漢郊祀志曰佛者漢言覺將以覺悟羣生也統其教以修善慈心爲主不殺生類專務清淨其精進者爲沙門漢言息心剔髮去家絕情洗欲而歸於無爲也又以人死精神不滅隨復受形所行善惡後生皆有報應所實行善修道以練其精神練而不已以至無生而得爲佛也身長丈六尺黃金色項中佩日月光變化無常無所不入故能化通萬物而大濟羣生也有經書數千卷以虛無

爲宗包羅精麤無所不統善爲宏闊勝大之言所求在一體之內所明在視聽之外歸於玄微深遠難得而測故王公大人觀生死報應之際莫不悚然自失也。○魏書云蔡愔得佛經四十二章及釋迦立像明帝令畫工圖寫像形置於清涼臺及顯節陵上經文緘於蘭臺石室惜之還也以白馬負經而至漢因立白馬寺於洛陽雍門西其經旨大抵言生之類皆因行業而起有過去當今未來三世也其修道階次心行等非一皆緣淺以至

深藉微以爲著率在於積仁順蠲嗜欲習虛靜而成通照也其始修心則依佛法僧受三歸也三歸如君子之三畏又有五戒斷殺盜姪妄語飲酒大意與仁義禮智信同云奉持之則生人天勝處離鬼畜諸苦言善惡之處

後九

十

凡有六道在其防心正身二斷妄語總謂之十善道也能具此者近獲大報遠得菩提四月八日夜從母右脇而生當周昭魯莊之世姿容超異者三十二種大人之相天降嘉瑞以應之亦三十二佛既去世弟子等以香木

焚身靈骨分碎大小如粟粒其色紅白擊之不壞焚之不焦每有光明神驗滅後百年有阿育王以神力分佛舍利役諸鬼神造八萬四千寶塔今洛陽彭城扶風蜀郡姑臧臨淄等皆有塔焉並有神異○漢法本內傳云明帝遣郎中蔡愔中郎將秦景博士王遵等十八人至天竺國得迦攝摩騰等將釋迦像是優填王第四師所造還明帝問摩騰曰法王出世何以化不及此摩騰對曰迦毗羅衛國者三千大千世界百億日月之中心三世諸

佛皆從彼生不問天龍鬼神有領行力者皆
生於彼受佛正化咸得悟道餘處衆生無緣
感佛佛不往也佛雖不往光明及處或五百
年或一千年或一千年外皆有聖人傳佛聲
教而教化之漢法本內傳曰明帝永平十四
年正月一日五岳諸山道士朝止之次互相
後九
命曰至尊棄我道法遠求胡教我等今日朝
次各將太上天尊所制經書盡已之所能共
上一表曰五岳十八山觀太山三洞弟子道
士楮善信等六百九十人死罪上言臣聞太

上無形無名無極無上虛無自然大道元首
自從造化道教從生無爲之尊自然之父上
古同遵百王不易今陛下道邁堯皇德過堯
舜光澤四海八表歸仁臣等竊承陛下棄本
逐末求教西域臣觀西域所事者既是胡神
所說者不參華夏復請胡人今翻其語託同
似漢臣等思忖陛下雖翻得此語恐非大道
如不依信願陛下恕臣等罪聽與驗試臣等
五岳諸山道士多有聰明智慧博通經典從
元皇已來太上經行悉能曉了太虛符呪並

皆明達或有吞符餌氣或有策使鬼神或有
入火不燒或有履水不溺或有白日昇天或
有隱形於地至於方藥法術無有不能者願
陛下許臣等得與比校一則聖上意安二則
得辯真偽三則大道有歸四則不亂華俗臣
等若比對不如任上重決若臣比對有勝乞
除虛詐勅遣尚書令宋庠引入長樂宮曰此
月十五日大集白馬寺南門外道士等共置
三壇壇別開二十四門南岳道士褚善信等
七十人將靈寶真文太上玉訣崆峒靈章昇

玄步虛太上左仙人請問自然種諸天內
音等經合一百三卷。華岳道士劉正念等
七十人將智慧定志智慧上品戒仙人請問
本行因緣明真科等六十二卷。恒岳道士
桓文度等七十人將本業上品法科罪福明
真科齋儀太上洞玄真文合八十卷。岳道
士焦得心等七十人將諸天靈書度命九天
神章太上太極太虛自然滅度五練生屍度
自然券儀合八十五卷。嵩岳道士呂慧通
等一百四人將太上安志上品二元品戒太

後元

十八

極左仙公神仙本起內傳服御五牙立成朝
夕朝禮儀合九十五卷。霍山天目山五臺
山白鹿山宮山合八山諸山觀道士邾文信
等二百七十人將太極真人敷靈寶文太上
洞玄靈寶天文五符經步虛文神仙藥法屍
解品上天符錄勅禁令八十四卷都有四百
六十九卷置之西壇茅成子許成子列子黃
子老子莊子慧子合二十七家諸子經書總
有二百四十五卷置之中壇饌食奠祀百靈
置之東壇明帝設七寶行殿在白馬寺南門

外道西置佛舍利及經像十五日齋訖道士
等即以柴荻和梅檀沉水香積遶西壇經教
上啼泣啓告曰臣等上啓太上無極大道衆
仙百靈今胡神亂夏人主信邪正教失蹤玄
風墜緒臣等敢以置經壇上以火取驗欲開
曉未聞以辯真偽伏願無極玄老太帝三皇
今謹依三五步罡之術燒經爲驗便放火燒
經經從火化悉成灰燼道士等見火焚經心
大驚怖先時昇天者不復能昇先時隱形者
不復能隱先時入火者不復能入先善禁呪

散九

十九

者呼策不應先有種種功能者無一可驗諸道士等大生慚愧爾時太傅張衍語褚信曰卿今所試無驗即是虛妄宜就西域真法褚信不吝南岳道士費叔才自感而死時佛舍利光明五色直上空中旋環如蓋遍覆大眾映蔽日輪摩騰法蘭先得阿羅漢果以慈善力踊身高飛行卧空中神通自在還坐本處怡然而住于時天雨寶花在於佛殿及眾僧上又聞天中諸樂之音感動人情大眾歡悅歎未曾有法蘭法師即說偈言

狐非師子類 燈非日月明 池無巨海納
丘無嵩岳崇 法雲垂世界 善種得開萌
顯通希有法 處處化羣生
於時大眾圍遶蘭師數百餘重法師復出梵音歎佛功德亦令大眾稱揚三寶讚述善法
或說人天地獄因緣或說小乘阿毗曇或說大乘摩訶行或說懺悔滅罪或說出家功德時司空陽城侯劉善峻官人民庶及婦女等發心出家四岳諸山道士呂慧通等六百二十人出家五品已上九十三人出家九品已

上鎮遠將軍姜苟見等一百七十五人出家
京都治民張子尚等三百七十人出家明帝
後宮陰夫人王婕妤等一百九十人出家京
都治民婦女阿潘等一百二十一人出家十
六日帝共大臣文武數百人與出家者剃髮
敬元
日日設供夜夜燃燈作種種妓樂比至三十
日法衣瓶鉢悉皆施訖即立十寺城外七寺
城內三寺七寺安僧三寺安尼漢之佛法從
此興焉
漢法本內傳凡有五卷

- 第一卷明帝得夢求法品
- 第二卷請法師立寺功德品
- 第三卷與諸道士比較度脫品
- 第四卷明帝大臣等稱揚品
- 第五卷廣通流布品

按玄通記云漢桓帝建和三年己丑之歲有
沙門安靜是安息國王之太子捨國出家意
存遊化至洛陽譯出衆經。魏書云文帝黃
初三年壬寅之歲有沙門曇摩迦羅至許都
譯出戒律。漢侍中傅毅異記云周昭王三

十七年丁巳歲佛生耶吳書云吳主孫權赤
烏四年辛酉之歲有沙門康僧會是康居國
大丞相之長子初達吳地營立茅茨設像行
道吳人初見謂是妖異有司奏聞吳主問曰
佛有何神驗也僧會答曰佛晦靈迹出餘千

餘九

三十一

載遺身舍利應現無方吳主曰若得舍利當
爲起塔經三七日遂獲舍利五色曜天剖之
逾堅燒之不然光明出火作大蓮華照曜宮
殿吳主歎異信心乃發因造建初寺度人出
家吳主問尚書令都卿侯闕澤曰漢明已來

凡有幾年闕澤對曰從永平十年至今赤烏
四年合一百七十年吳主曰佛教入漢既久
何緣始至江東闕澤對曰永平十四年五岳
道士與摩騰掬力之時道士不如南岳褚善
信費叔才等在會自感而死門徒弟子歸葬
南岳不預出家無人流布後遭漢政凌遲兵
戎不息經今多載始得興行吳主曰孔丘老
子得與佛比對以不闕澤曰臣尋魯孔丘者
英才誕秀聖德不羣世號素王制作經典訓
獎周道教化來葉師儒之風澤潤今古亦有

逸民如許成子呂成子原陽子老子莊子等
百家子書皆修身自翫放暢山谷縱大其心
學歸淡泊事垂人倫長幼之節亦非安世化
民之風至漢景帝以黃子老子義體尤深改
子爲經始立道學勅令朝野悉諷誦焉若將
孔老二家遠方佛法遠則遠矣所以然者孔
老設教法天制用不敢違天諸佛設教天法
奉行不敢違佛以此言之實非對明矣吳主
大喜用澤爲太子太傅○魏明帝曾欲壞宮
西浮圖外國沙門乃金盤盛水置於殿前以

舍利投水仍有五色光起帝加歎異乃於道
東作周閭百間以爲精舍元魏太祖天興元
年下詔曰夫佛法之興其來遠矣濟益之功
冥及存沒神蹤遺軌信可依憑有勅於京邑
建飾容範修整官舍令信向之徒有所居止
微元
是歲始作五級佛圖者闍崛山及須彌山殿
加以飾績別構講堂禪室及沙門坐處莫不
具焉檢史籍通儒並稱佛法盡美也盡善也
邪見何緣自招逆罪魏世祖即位亦遵太祖
太宗之業每引高德沙門與共談論於四月

八日與諸佛像行於廣衢帝親御門樓散花
禮敬沙門慧始甚有神異赫連昌破長安慧
始身被白刃而體不傷五十餘年未嘗寢卧
跣行泥塗初不污足色逾鮮白世號之白足
阿練時主敬重大興佛法死十餘年儼然不
變。魏太武時崔浩為司徒不信佛每與帝
言恒加誹毀因蓋吳作亂關中浩便進說遂
除佛法道士天師寇謙之苦與浩諍浩不肯
從謙之謂曰卿從今年受戮滅門矣於後太
武通身發瘡痛苦難忍羣臣議云崔浩邪佞

毀除佛法陛下所患必由於斯浩後果伏誅
備加五刑豈非積不善之家必受餘殃然元
魏君臨凡一十七帝一百七十九年唯七八
年中佛法淪廢自餘光顯不可具陳興光元
年於五級大寺太祖已下五帝鑄像五軀各
長一丈六尺用金二十五千斤正光元年歲
次庚子七月明帝加朝服大赦二十三日請
僧尼道士女冠等在前殿設齋齋訖帝遣侍
中劉騰宣勅請法師等與道士論議以釋弟
子疑網爾時清通觀道士姜斌與融覺寺法

魏九

二十三

師曇謨最對論帝問曰佛與老子同符以不
姜斌對曰老子西入化胡佛時以充侍者明
是同時法師問曰何以得知姜斌曰按老子
開天經是以得知法師問曰老子當周何王
幾年而生周何王幾年西入姜斌曰當周定
王即位三年乙卯之歲於楚國陳郡厲鄉曲
仁里九月十四日夜子時生當周簡王即位
四年丁丑之歲事周爲守藏吏當周簡王即
位十三年景戌之歲遷爲太史當周敬王即
位元年庚辰之歲年八十五見周德陵遲遂

與散關令尹喜西入化胡此足明矣法師報
云佛當周昭王二十四年四月八日生穆王
五十二年二月十五日滅度計入涅槃經三
百四十五年始到定王三年老子方生生已
年八十五至敬王元年凡經四百二十五年
始與尹喜西遁此則年月懸殊不同無乃謬
乎姜斌曰若佛生當周昭王之時出何文記
法師對曰出周書異記并漢法本內傳並有
明文斌曰孔子既是制法聖人當時於佛迥
無文記法師對曰仁者識同管見闕覽不弘

遠按孔子有三備十經謂天地人佛之文言
出在中備仁者善自披覽足得開曉也姜斌
曰孔子聖人不言而知何假卜乎法師對曰
唯佛是衆聖之王四生上首達一切衆生前
後二際吉凶終始不假卜觀目餘聖人雖曉

微九

二十四

未然之理必藉著龜以通靈卦也明帝即遣
侍中尚書令元乂宣勅語道士云姜斌論無
宗旨宜下席又問斌開天經何處得來是誰
所說即遣中書侍郎魏收尚書郎祖瑩等就
觀取經帝令羣臣議定太尉丹陽王蕭綜太

傳李寔衛尉卿許伯桃吏部尚書刑憲散騎
常侍溫子昇等一百七十人讀訖奏云老子
只著五千文更無言說臣等所議姜斌罪當
惑衆帝時加斌極刑三藏法師菩提流支諫
免死配徙馬邑太和元年於方山太祖營壘
之處建思遠寺自興光之後京內及四方諸
寺新舊有六千四百七十八所僧尼十萬七
千二百五十八人又以鷹師曹爲報德寺考
魏有天下至於禪讓佛經通流大集中國凡
有四百一十五部合一千九百一十九卷略

評僧尼二百萬人寺有三萬餘所自有佛法
未之盛也時世隆平人民豐樂僧徒甚衆曾
無逆人洎永嘉南遷迄於陳世三百許年像
教東興法之盛也出好名德利益倍多光諧
時君頗有凶者

九

破邪論卷上

音釋

擿

他歷切
發也

豐

許觀切
豐隙也

緬

彌典切
遠也

褫

大爾切
奪也

永樂北藏

破邪論

駭如八尺切 駭馬怒乃歷切 殉從也切 疴烏何切
也緱山名切 哇易瓜切 貯積也切 闔胡關切
也黔巨壘切 黥七感切 澹普鄙切 縑古甜切
也愔抱滯切 溜側飢切 臨好捷切 縑即葉切
官好婦切 績與胡對同切 闕去規切 著書之切 壘

力執切
軍壁也

第一五一冊

永樂北藏

破邪論

第一五二冊

破邪論卷下

唐 沙門 釋 法琳 撰

微十

弈云僧尼六十已下簡使作民則兵強人衆
弈云寺多僧衆損費爲甚但是寺舍請給孤
老貧民無宅義士三萬戶州唯置一寺草堂
土塔以安經像遣胡僧二人傳示胡法奕云
西域胡者惡沉而生便事泥瓦今猶毛臊人
面而獸心土梟道人驢騾四色貪逆之惡種
佛生西方非中國之正俗蓋妖魅之邪氣也
弈云庖犧已下二十九代父子君臣立忠立

孝守道履德生長神州得華夏正氣人皆淳
朴以世無佛故也弈云秦起秦仲三十五世
六百三十八年弈云帝王無佛則大治年長
有佛則虐政祚短自庖犧已下二十九代而
無佛法君明臣忠國祚長久弈云未有佛法
前人民淳朴世無篡逆弈云佛來漢地有損
無益入家破家入國破國弈云趙建武時有
道人張光反梁武時僧光反況今僧尼二十
萬衆早須廢省弈云自開闢已來至今武德
四年辛酉積二百七十六萬一千一百八載

父子君臣立忠立孝弃云請胡佛邪教退還西域凡是僧尼悉令歸俗。一答廢者僧尼事者對曰夫形迹易察而真偽難明自非久處未可知矣昔遠法師荅桓玄書云經教所述凡有三科一者禪思入微二者諷味遺典三者興建福業然有興福之人不存禁戒而迹非阿練者或有多誦經文諷詠不絕而不能暢說義理者或有年已宿長雖無三科可紀而體性真正不犯大罪者以此校量取捨難辯按出家功德經云度一人出家勝起寶

塔至于梵天何者人能弘道自利利他潔已立身住持三寶津梁七世資益國家諸有罪者依法苦治無過者爲國行道。一答毀寺給民草堂安像者對曰法流漢地五百餘年寺舍僧尼積代來有龕塔堂殿皆是先代興營房宇門廊都微字由信心起造或爲存歿二親及經生七世求將來勝報種見在福田咸出彼好心非佛僧課造書云成功不毀故子產不毀伯夷之廟夫子謂之仁人沉佛爲三世良田四生父母唯可供養不可毀除佛雖去

世法付人王伏惟陛下再造生氏重興佛道
即是如來六檀越主請遵漢明永平之化近
同文帝開皇之時。一答西域胡者人面獸
心貪逆惡種佛生西方妖魅邪氣者對曰按
史記曆帝王儉目錄及陶隱居年紀等云庖
犧氏蛇身人首大庭氏人身牛頭女媧氏亦
蛇身人頭秦仲衍鳥身人面夏禹生於東夷
文王生於西羌簡狄吞鸞卵而生契伯禹剖
母胷而出伊尹託自空桑元氏魏主亦生夷
狄並應天明命或南面稱孤或君臨萬國雖

可生處僻陋形貌鄙麤而各御天威人懷聖
德老子亦託牧母生自下凡何得以所出庸
賤而無聖者乎夫子云君子居之何陋之有
信哉斯言也僉曰有道則尊豈簡高下故知
聖應無方隨機而見尋釋迦文祖稱蓋千代
輪王之孫刹利王之太子期兆斯赴物感則
形出三千世界之中央南閻浮提之大國垂
教設方但以利益衆生爲本若言生在羌胡
出自戎虜便爲惡者太昊文命皆非聖人老
子文王不足師敬。按地理志西域傳言西

胡者但是葱嶺已東三十六國不關天竺佛
生之地若知而妄說何罪之深若不知浪言
死有餘責。一荅庖犧已下二十九代父子
君臣立忠立孝守道履德稟華夏正氣者對
曰史記淮南衆書等云黃帝時出蚩尤銅頭
鐵額作亂天下與黃帝戰于阪泉以登帝位
蚩尤逆命復戰涿鹿之野凡經五十二載。
顓頊時共公作亂頭觸不周山天柱折地傾
危顓頊又誅三苗於洞庭又彭蠡汲冢竹書
云舜囚堯於平陽取之帝位今見有囚堯城

舜又與三苗戰於丹水之浦堯上射九日落
其鳥羽楚詞十日化繳大鳳於青丘斬脩蛇
於洞庭戮封豕於大澤殺九嬰於汭水尚書
云洪水滔天懷山襄陵黎民阻饑百姓昏墊
禹時百姓各自其心而栢谷子退耕於野三
苗不修德政禹親滅之夏桀之居左河濟市
太華伊闕在其南羊腸背其北焚皇圖殺龍
逢囚成湯縱妹喜修政不仁湯放滅之湯凡
九征七十二戰大旱七年江河枯竭涿金爍
石高宗伐鬼方三年殷紂辛迷惑妲己恣十

惡之害流五虐之刑剖賢人之心剝孕婦之腹囚文王禁箕子周武王伐紂於牧野血流漂杵誅之鹿臺王親射紂躬懸頭太白之旗而夷齊非之不食其粟孔子曰武盡美矣未盡善也武王之世三監作亂成王之日二叔流言宣王六月出征詩云薄伐獫狁至于太原采薇遣戍役云北有獫狁之難西有昆夷之患采芑又云宣王南征對曰上來所道並是三皇已下三王之時必能守道履德懷忠奉孝爾時無佛足可清平何爲世世興師兵

數十

四

戈不息至於毒流百姓殃及無辜乃爲姚石慕容永嘉之世豈名蕩蕩無爲之時邪見失言一何謬矣一卷秦仲已下三十五世六百餘年者對曰史記云自殷已前諸侯不可得而譜爲多失次第年代難知故尚書但以甲子爲次第而無年月者良爲史闕不記也邪見乃始於秦仲迄于二世有六百餘年者一徃似長出何明證按春秋已前秦本未有春秋已來始有秦伯當春秋時秦雖漸霸但是周之小邑孝王之世命非子牧馬於汧源之

間不承天命未有正朔曾孫秦仲宣王之世始受車馬侍御之臣仲孫襄公以送平王東遷進爵爲伯文公已下始見史記自茲訖滅不過二百餘年史記竹書及陶公年紀皆云秦無曆數周世陪臣故隱居列之在諸國之

敬字

下何因得有年紀續至胡亥史記但從厲公列之一百一年終乎二世縱有年代皆附春秋自無別記皜王之末秦昭襄王因周微弱始滅周國僭號稱王諸史相承秦唯五世四十九年齊秘書楊玠史目云秦自始封至滅

凡三十五世六百餘年者蓋取始封秦號經六百餘年非統霸中國經多年也邪見乃延秦短祚冒上長年一何虛妄哉。一荅帝王無佛則大治年長有佛則虐政祚短自庖犧已下爰至漢高二十九世君明臣忠者對曰夫理貴深據言資寔錄何故庖犧獨治不及子孫堯舜二君位居五帝堯則翼善傳聖舜則仁盛聖明如尚書之典論其化民治道功業最高民無能名則天之明君也堯又廢兄自立其子丹朱不肖舜則父頑母嚚並止一

身不能及嗣爾時無佛何不世世相傳遽遭
磨滅隱居年紀云夏禹治九年羿篡十五年
浞篡十二年夏皋十一年夏發十二年對曰
書云舜禹之有天下魏魏乎其有成功煥煥
乎其有文章大禹謨云禹能卑宮室菲飲食
皂帳絺衣而盡力於溝洫爲民治水於民有
功若皇天輔德何爲天祚不永治止九年勤
年紀云夏后相及少康之世其臣有窮羿篡
浞及風夷准夷黃夷斟尋等國並相次作亂
凡二十六年篡夏自立當時無佛篡逆由誰

殷湯治十三年太丁治三年仲壬治四年太
甲治十年沃丁治十三年太戊治十年外壬
治三年沃甲治四年盤庚治九年小辛治七
年對曰湯仁不殺開三面之網放夏桀於鳴
條甚有仁德爾時無佛何以天曆不長太丁
外壬其年轉促後十尚書云湯行九伐太甲五征
伊尹立湯次子勝又立勝弟仲壬又放太甲
于桐宮汲冢書云伊尹自篡立後太甲潛出
親殺伊尹而用其子既稱忠朴之世爾時無
佛何爲豐起蕭牆君臣無道周武王治十一

年懿王治三年絕嗣僖王治五年絕嗣頃王治六年匡王治六年元王治八年烈王治七年靜王治六年貞王治八年悼王治一百一哀王治三月思王治五月對曰武王伐紂師渡孟津白魚入舟應天嘉命謚法曰剋定禍亂曰武民賴來蘇軾問封墓休牛牧馬治致太平汝言無佛年長何因祚短武王治十一年懿王僖王更復絕嗣。一荅佛未出前世無篡逆者對曰何故周烈王弟顯王篡位四十八年悼王立一百一日為庶弟子朝所

害敬王弟哀王治三月思王外哀王弟治五月思王殺哀王考王復殺思王三王共立一年出楊珍史月秦五世六君四十九年昭王五年注滅周後始稱王在位五載孝文王武一年襄王楚三年始皇政三十七年胡亥三年敬王殤帝子嬰四十六日對曰周顯王五年秦穆公始霸三十四年秦權周政竹書云自秦仲之前本無年世之紀陶公並云秦是篡君不依德政次第不在五運之限縱年長遠終非帝王以短為長指虛為實有何意見秦時

北築長城備胡人僞殺扶蘇矯立二世陳勝
蟻聚作亂關東漢時匈奴入塞烽火照甘泉
宮南越不賓乃習水戰漢高祖在位十二年
惠帝七年文帝高祖第四子非武帝本膠東
王景帝第六子非孝景帝時吳楚等七國皆
反昭帝崩立兄子昌邑王即位二十七日凡
有一千一百二十七罪霍光廢之後立宣帝
此時無佛何爲乃爾後漢凡十二帝一百九
十五年光武三十三年孝明十八年章帝十
三年和帝十七年安帝十九年順帝十九年

桓帝二十一年靈帝三十一年獻帝三十年
對曰後漢書云光武撥亂反正明帝致治昇
平民無百里之憂吏無出門之役麒麟入囿
神鳳栖桐赤雀文龜蒼烏白鹿嘉瑞備臻兆
民胥悅垂泐汨磅礴之恩布通天滿泉之澤
論衡等書並云後漢徵祥不慙周夏汝言有
佛祚短何故年長○隱居云自魏黃初元年
至蕭齊之末凡二百八十二歲拓跋元魏十
七君合一百七十九年爾時佛來何故年久
奔云西域胡旦末國兵三百二十人小宛國

兵三百人戎盧國兵三百人渠勒國兵三百人依耐國兵三百五十人郁立師國兵三百三十一人單相國兵三十五人孤胡國兵四十五人凡八國胡兵合有一千八百九十一人皆得紹其王業據其土地自相征伐屠戮人國數十況今大唐僧尼二十萬衆共結胡法足得人心寧可不預備之哉對曰檢漢書西域傳云旦末國小宛等八國並是葱嶺已東漢域胡國計去長安不過萬里本非天竺佛生之地又無僧尼在中謀叛縱彼造惡何關此

僧但奔狂鬼入心外興邪說虛引往事假謗今賢達者知其浪言愚人必生異見惑亂朝野深可痛哉。一答佛來漢地有損無益入家破家入國破國漢明之世佛法始來者大唐聖朝正信君子論曰諸佛大人遊涅槃之妙苑住般若之真空不可以言像求不可以情慮揆形同法性壽等太虛但應物現身如水中月所以瞿師見三尺之貌羅漢觀丈六之容大滿虛空小入絲髮隨緣應質化無常儀尋釋迦之肇依後漢郊祀晉魏等書及王

儉史錄費長房三寶錄考校普曜本行等經
並云佛是周時第十五主莊王佗九年癸巳
之歲四月八日乘旃檀樓閣現白象形從兜
率下降中天竺國迦毗羅城刹利王種淨飯
大王第一夫人摩耶之胎至十年甲午二月
八日夜鬼宿合時於嵐毗園波羅樹下從摩
耶夫人右脇而生放大光明照三千世界瑞
應經云沸星下現侍太子生本行又云虛空
無雲自然而雨左傳云星殞如雨杜氏注解
蓋時無雲然與佛經等符合通儒以為佛生

時也十九出家三十成道四十九年處世說
法利益天人度脫羣品至周匡王四年壬子
二月十五日夜於拘尸城入般涅槃自滅度
已來至今大唐武德五年壬午之歲計得一
千二百二十一歲滅後一百一十六年東天
竺國有阿育王收佛舍利役使鬼兵散起八
萬四千寶塔遍閭浮提我此漢地九州之內
並有寶塔育王起塔之時當此周敬王二十
六年丁未之歲也塔興周世經二十王至秦
始皇三十四年焚燒典籍育王諸塔由此淪

亡佛家經傳靡知所在如釋道安朱士衡等
經錄云始皇之時有外國沙門釋利防等一
十八賢者賁持佛經來化始皇始皇弗從遂
囚禁防等夜有金剛丈六人來破獄出之始
皇驚怖稽首謝焉問曰雖有此說年紀莫知
以何爲證請陳其決也荅曰前漢成帝時都
水使者光祿大夫劉向傳云向博觀史籍備
覽經書每自稱曰余遍尋典策徃徃見有佛
經及著列仙傳云吾搜檢藏書緬尋太史創
撰列仙圖自黃帝已下六代迄至于今得仙

道者七百餘人向檢虛實定得一百四十六
人又云其七十四人已見佛經矣推劉向言
藏書者蓋是始皇時人間藏書也或云夫子
宅內所藏之書據此而論豈非秦漢已前早
有經佛流行震旦也尋道安所載一十二賢
殊十者亦在七十之數今列仙傳見有七十二人
按文殊師利般泥洹經云佛滅度後四百五
十年文殊至雪山中爲五百仙人宣說十二
部經訖還歸本土入于涅槃恒星之瑞即其
時也檢地理志西域傳云雪山者即葱嶺也

其下三十六國先來秦漢以葱嶺多雪故號
雪山文殊往化仙人即其處也詳而驗之劉
向所論可爲證矣雖遭秦世焚除漢興復出
所以荆楊吳蜀扶風洛陽有寶塔處皆發神
瑞具在衆書依檢成帝鴻嘉三年歲在癸卯
劉向撰列仙傳明矣故知周世佛法久來生
盲人云有佛祚短實可悲矣依經律云釋迦
正法千年像法千年末法萬年五千年已還
四衆學者得三達智證四道果末法已去猶
披袈裟勘周書異記云穆王聞西方有佛遂

乘驊騮八駿之馬西行求佛因以襪之據此
而推同齊時上統法師荅高麗使云佛是西
周第五主昭王二十四年甲寅歲生至武德
五年得一千五百七十七年也信穆王之世
法已東行劉向之言蓋爲明矣又漢武鑿昆
明池得黑灰問東方朔朔云非臣所知可問
西域胡人後外國沙門竺法蘭來因以事問
蘭云是劫燒之餘灰也方朔既博識通人生
知俊異無問不酬無言不答豈容不達逆記
胡人蓋是方朔久知佛法當興勝人必降故

有斯對也佛既去世阿難總持一言不失迦
葉結集羅漢千人咸書皮紙并題木葉致令
五百中國各共奉持十六大王同時起塔逮
于漢世東流二京所經帝王十有六代翻胡
梵本爲漢之言相承至今垂六百祀是以佛
日再曜起自永平之初經像重興發于開皇
之始魏人朱士衡沙門衛道安等並爲紀錄
總其華梵道俗合有一百八十二人所譯經
律戒論大小乘三藏雜記等凡二千一百七
十部總有六千四百四十六卷莫不垂甘露

於八魔之境流慧日於三有之中汲引將來
永傳勝業教人捨惡行善佛法最先益國利
人無能及者汝言破家破誰家破國破何國
邪見豎子無角畜生夙結豺心又懷蕞毒無
絲髮之善負山岳之差長惡不悛老而彌篤
乃以生盲之慮忖度聖尊何異尺鷃之笑大
鵬井蛙不信滄海可謂闡提逆種地獄罪人
傷而憫之故爲論也尋夫七十二君三皇五
帝孔丘李老漢地聖賢莫不葬骨三泉橫屍
九壤未有如佛舍利現瑞放光火燒不然礎

槌不碎於今現在立試可明且據此一條尺
知佛法之神德也震旦諸聖孰與爲儔乃欲
毀而滅之事難容忍傷風敗俗虧損福田誑
惑生民汙點朝廷實可歎也

沙門安世高譯一百七十部

散十

十三

沙門鳩摩羅什譯九十八部

沙門衛道安譯二十四部

沙門嚴佛調譯七部

沙門寶唱撰衆經目錄四卷譯一千四百三

十三部

吳人支謙譯一百二十九部

晉人聶承遠譯三部

晉人聶道真譯五十四部

宋人謝靈運譯三十六卷涅槃經

北梁安陽侯沮渠京聲譯三十五部

元魏期城郡守楊街之譯一部

元魏李廓撰衆經錄四百七十部

魏人萬天懿譯一部

齊竟陵文宣王蕭子良譯一十七部

齊人常侍庾頡譯一部

梁人木道賢譯一部

梁武帝注大品經五十卷

梁人表曇允撰論抄一部

梁簡文帝法集記一部二百卷

梁記室虞孝敬內要一部

隋人澤川郡守曇法智譯一部

右古來翻經人宋臨川康王義度撰宣驗記

一部又撰幽明錄一部

太原王琰撰冥祥記一部

瑯琊王巾撰僧史

齊竟陵文宣王造三寶記傳一部

齊著作裴子野撰高僧傳

淮南劉俊撰益部寺記

晉中書令郗景興撰東山僧傳

中書陸明霞撰沙門傳

治中張孝秀撰廬山僧傳一部

太原王延秀撰感應傳

吳興朱君台撰徵應傳

晉中書侍郎于寶撰搜神錄

彭澤令陶元亮撰搜神錄

道士陶隱居發菩提心禮佛文

直士陸修靜對沙門記

宋光祿顏延之庭詰文

齊隱士周顒撰三宋二帝論

周儀同甄鸞撰笑道論一部

隋成都費長房撰三寶錄

右古來博通君子識量王公尊敬三寶撰沙門記傳者對曰此等先賢並皆翻譯佛經爲目錄記傳者悉學窮稽古精詣內外信道俗之白眉爲羣英之稱首咸遵敬三寶研味一

乘棄世辭榮歛承勝軌邪見朋黨一口不論

一人不說太劇苦剋誅毀酷毒穢言自保螢

輝欲張蚊翼何殊朝菌之知晦朔蟪蛄之暗

春秋信其管窺輕忽大道足令洗耳安可言

乎諸付朝官博通君子檢十四內外典籍明邪見

人謬妄之罪微十若言佛法來漢無益世者對曰

按孔子周靈王時生敬王時卒計其在世七

十餘年既是聖人必能匡弼時主何以十四

年中行七十國至宋伐樹至衛削跡在陳絕

糧避桓魋之殺慚喪狗之呼雖歷聘諸侯莫

能見用當春秋之世文武道墜君闇臣奸禮崩樂壞爾時無佛何為逆亂滋甚篡殺由誰孔子乃婉俛順時逡巡避患雖保妻子終壽百年亦無取矣或發匏瓜之言或興逝川之歎然復遜辭於李氏傷鳳鳥不至河不出圖及西狩獲麟遂反袂拭面稱吾道窮雖門徒三千刪詩定禮亦疾歿世而名不稱吾何以見後世矣遭盜跖之辱被文人之譏按而論之足可知矣若以無利於世孔老二聖其亦病諸何為訥其本舌而不陳彈也。一卷寺

多僧眾妖孽必作如後趙沙門張光後燕沙門法長南京道蜜魏文孝時法秀太和時惠仰等並皆反亂者對曰檢崔鴻十六國春秋並無此色人出何史籍苟生誣枉誑惑君王請勘國史知其妄奏按前後漢書即有昆陽

張十

十五

常山青泥綠林黑山白馬黃巾赤眉等數十羣賊並是俗人不關釋子如何不論後漢書云沛人道士張魯母有姿色兼挾鬼道往來劉焉之家焉後為益州刺史任魯為都督義司馬魯共別部司馬張修將兵掩殺漢中太

守蘇固斷絕斜谷殺漢使者魯既得漢中又殺張修而并其衆于時假託神言黃衣當王魯因與張角等相應合集部衆並戴黃巾披道士之服數十萬人賊害天下自據漢中垂三十載後爲曹公所破黃衣始滅爾時無一沙門獨饒道士何默不論然漢魏名僧德行若衆益國其多何以不說但能揚惡專論人短豈是君子乎魏志曰張魯字公期期祖父陵客蜀學道在鵠鳴山中造作道姓從受道者出米五斗世號米賊

傳業衡死魯復傳之陵爲天師衡爲嗣師魯爲係師自號三師也素與劉焉善焉死子璋立以魯不順殺魯母及家室魯遂據漢中以鬼道化民符書章禁爲本其來學道初名鬼卒受道用金帛之物號爲祭酒各領部衆衆多有名治頭有病者令首過大都與張角相似後漢皇甫嵩傳云鉅鹿張角自稱大賢郎師奉事黃老行張陵之術用符水咒言以治病遣弟子八人使於四方以行教化轉相誑惑十餘年間衆數十萬自青徐幽冀荆揚兗

豫八州之民莫不必應遂置三十六方方猶將軍之號也大方萬餘人小方六千人訛言蒼天死黃天當立歲在甲子天下大吉以白土書京邑寺門皆作甲子字中平元年三月五日内外俱起皆著道士黃巾或殺人祠天

殺十

十六

于時賊徒數十萬眾初起潁川作亂天下並

為皇甫嵩討滅南鄭反漢而蜀亡

事在魏書孫恩

習仙而敗晉

事在晉書道育醮祭因而禍宋

于吉行禁殆以危吳

事在吳書公期學仙而誅家

事在華陽國志

陳瑞習道而滅族

事在晉書魏華叛夫

事在靈寶經序張陵棄婦事在子登背父衛叔去兄仙傳出神右古來道士破國破家為逆亂者對曰自陵三世專行鬼道符書章醮出自道家禁厭妖孽妄談吉凶奸由此起然吳魏已下晉宋已來道俗為妖數亦不少何以獨引眾僧不論儒道二教至如大業末世王充李密建德武周梁師都盧明因李軌朱粲唐弼薛舉等亦是俗人曾無釋氏何為不道事偏理曲黨惡嫉賢為臣不忠明矣。亦云自開闢已來至今武德四年辛巳積二百七十六萬一

千一百八歲父子君臣立忠立孝者對曰汝
云庖犧氏凡三十世治二萬二百九十七年
少昊至漢高有三千二百一年從庖犧至漢
高二十九代計之不過二萬三千四百九十
八年何因爰自開闢迄之武德四年頓有二
百七十六萬餘歲耶姓十勘帝系譜云天地初起
狀如鷄子盤古生其中經九萬年次三皇及
燧人氏治二萬二百九十七年按齊秘書楊
珍史目云伏犧元年甲寅至開皇元年辛丑
有六萬一千六百八年總而言之十七萬

一千九百五年校此而論太懸殊矣請勘年
紀定其脩短也檢正史所載伏犧氏始畫八
卦陳甲子造書契乃有年世庖犧已前本無
紀曆進退何依○弈云請胡佛邪教退還西
域凡是僧尼悉令歸俗者對曰周莊云六合
之內聖人論而不議六合之外聖人存而不
論老子云域中有四大而道居其一考詩書
禮樂之政但欲攸叙彝倫明忠烈孝慈之先
意在敬事君父縱稱至德唯是安世治民假
令要道不出移風變俗自衛返魯詎述解脫

之言六府九疇未宣究竟之旨及養生濟物之談龍圖鳳紀之說亦可懷仁抱信遵屬鄉之志刪經贊象肆闕里之文次曰九流末曰七略按前漢藝文志所紀衆書一萬三千二百六十九卷莫不功在近益但未暢遠途皆自局於一生之內非迥拔於三世之表者矣遂使當現因果理涉旦而猶昏業報吉凶義經丘而未曉故知道遙一部猶迷有有之情道德二篇未入空空之境斯乃六合之窠塊五常之俗暮詎免四流浩汗為煩惱之場六

趣諠譁造塵勞之業也原夫實相杳冥逾要道之要法身凝絕出玄之又玄唯我大師體斯妙覺二邊頓遣萬德俱融不寂不喧安能以境智求非爽非昧豈可以形名取為小則小而無內處大則大而無垠故能量法界而興悲揆虛空而立誓所以現生穢土誕聖王數十官示金色之身吐玉毫之相布慈雲於鷲嶺則火宅火銷扇慧風於鷄峯則幽途霧卷行則金蓮捧足坐則寶座承軀出則帝釋居前入則梵王隨後左輔密迹以滅惡為功右弼

金剛以長善爲務聲聞菩薩儼若侍臣八部
萬神森然翊衛演涅槃則地現六動說般若
則天雨四華百福莊嚴狀滿月之臨滄海千
光照曜猶聚日之映寶山師子一吼則外道
摧鋒法鼓暫鳴則天魔稽顙是故號佛爲法
王也豈得與衰周迦葉比德爭衡末世儒童
輒相連類者矣是以天上天下獨稱調御之
尊三千大千咸仰慈悲之澤然而理趣深遠
假筌蹄而後悟教門善巧憑師友而方通統
其教也八萬四千之藏二諦十地之文祇園

鹿苑之談海藏龍宮之旨玉牒金書之字七
處八會之言莫不垂至道於百王扇玄風於
萬古如語實語不思議也近則安國利民遠
則超凡證聖故能形遍六道教滿十方實爲
世界福田蓋是蒼生歸處於是敬信之侶猶
七曜之環北辰受化之徒如萬川之投巨海
考其神變功業利益天人故無得而名也既
滿恒沙之因故得常樂之果善矣哉不可測
也但以時運未融遂令梵漢殊感所以西方
先音形之奉東國暫見聞之益及慈雲卷潤

慧日收光乃夢金人於永平之年觀舍利於赤鳥之歲於是漢魏齊梁之政像教勃興燕秦晉宋已來名僧間出或畫滿月於涼臺之側表相輪於雍門之外逮河北翻辭漢南著錄道興三輔信洽九州跨江左而彌殷歷金陵而轉盛渭水備逍遙之苑廬岳總般若之臺深文與旨發越來儀碩學高僧蟬聯遠至暨梁武之世三教連衡三乘並駕雖居紫極情契汾陽屏酒肉而撤饗人熏戒香而味法喜恐四流難拔躬以七辯之能將乃輕袞飾

而御染衣捨雕輦而敷草座於時廣創慧臺之業大啓寶塔之基注梁記云東臺西府在位八十餘年都邑大寺七百餘所僧尼講衆常有萬人討論內典共遵聖業孜孜無倦各猷世榮也遂令五都豪族狀冠冕而歸依四海名家棄榮華而入道自皇王所居之土聲教所覃之域莫不頂禮迴向五體歸依利物之深其來久矣孔子垂化安能以競按三十六國春秋高僧名僧牟子等記傳始後漢明帝永平十年已來佛法東流政經十代年將

六百其名僧大德世所遵敬者凡二百五十
七人傍出附見者及燕趙王公齊梁卿相等
凡二百五十一人合五百八人陳其行業大
開十例一曰譯經二曰解義三曰神異四曰
習禪五曰明律六曰遺身七曰誦經八曰興
福九曰經師十曰唱導此等高僧皆德効四
依功備三業法傳震且實所賴焉邪見隱而
不論但說三五惡者夫雪山之內本多甘露
亦有毒草大海之中雖有明珠亦饒羅刹喻
崑山缺於片石鄧林損於一枝耳何可為恠

也譯經沙門第一_{二十五人}義學沙門第二_{九人}
神異沙門第三_{二十人}習禪沙門第四_{二十人}明
律沙門第五_{十二人}遺身沙門第六_{十一人}誦經
沙門第七_{二十人}興福沙門第八_{四十人}經師沙
門第九_{十一人}唱導沙門第十_{十人}此等沙門或
踰越沙險汎漾洪波皆能委命弘經亡形徇
道或以神力救世或以異迹發人或慧解開
矜或通感適化安禪湛慮則功德如林業行
清高則氷霜彌潔樹興福善則冥衛可祈諷
誦法言則幽顯沾慶於是三藏四含功用遠

廣方等般若取信尤多但神化所該無遠必
屆葱河由跬步之間聲光有見聞之限豈非
時妙也及緣運將感像教遐通或號曰西域
大神或稱為浮圖之主所以摩騰杖策而來
儀法蘭懷道而降德什師碩學鉤深神鑑奧
遠及遊中土微十備悉方言受學者三千入室者
八俊生融景嚴嚴觀恒肇皆領悟前言辭芬
蘭桂執筆承旨任得其人晉有道安擅名當
世質學圖澄傳業慧遠門人日盛世不乏賢
足使陳郡謝安推其神俊襄陽習郁屈我彌

天自晉惠蒙塵懷敏遷播羯胡縱毒寇蕩中
州劉曜篡虐於前石勒僭凶於後華夏分崩
人民塗炭聖師佛圖澄憫傷殺之方始慮刑
害之未央遂設神化於葛陂示懸記於襄鄴
藉祕呪以濟命盡因香氣而拔臨危占鈴映
掌坐定吉凶終令二石發心四民免害澄傳云澄
在漢地二十五年所歷郡縣興立佛寺八百
九十三所年一百一十七歲亡當石氏凶強
虐害無道若不與澄同日孰可言乎及白足
百姓危亡得存性命者不可稱紀
臨刃不傷遺法為之更始志上分身負戶帝
王以之加信具諸史籍其可詳乎莫不功被

將來傳燈永劫議者僉曰僧乃紹隆聖種佛則冥衛國家福蔭皇基必無退廢之理者也我大唐之有天下也應四七之辰安九五之運扶濟世之德越湯武而獨彰夷凶撥亂之功逾漢魏而孤顯蕩蕩乎魏魏乎難以揄揚者矣加以留情佛法降意玄門造像書經度僧立寺種種功德處處檀那利益華戎汲引黎庶方欲興上皇之風開正覺之道蔑茲五帝跨彼三王治致太平永隆淳化上來邪見所述穢言並是天地之所不容人倫之所同

棄恐塵蹟聖覽不足可觀伏惟陛下布含弘之恩垂鞠育之惠乞審其逆順議以真虛涅
槃經云佛滅度後法付國王陛下君臨正當付囑伏願杜其邪說使像教興行博雅君子四海通人聞之乃共扼腕指掌盱衡而作論
學
云爾孟子有言曰余豈好辯哉余不得已也
二十二
夫虛妄顯於真實錄亂於偽世人不悟是非不定朱紫雜廁瓦玉參糅糠米以情言之豈予心所能忍也孔子曰詩人疾之不能默丘疾之不能伏是以論也夫玉亂於石人不能

別是反為非虛轉為實安能不言乎考王者之降靈也或流星貫月或長虹繞電或赤雀銜書或素靈夜哭帶龍雲之氣含奇異之像皆有天命非由人也或問曰何周通其曆秦不及期答曰夫冥理難知人情易惑校其指歸略詳之矣何者昔宋景修德守心便退丁蘭篤孝木母舒顏但使專精嘉祥可致必能潔己災禍自亡信哉斯言也觀夫文武成康之世治道隆平蓋積善所資福鍾來葉所以通曆也始皇在位焚書坑儒酷毒天下逮于

二世誅戮更甚主民寒心手足無措上天降禍故不及期也易曰不善之家必有余殃此之謂矣故知興滅之理非關力能成稟先因頗由行善信為明證也近如周武錯見毀寺廢僧不盈幾時後嗣磨滅竊見隋文皇帝初生即有神尼撫養後為實禪師觀見當為霸王及其即位普興佛法大度僧尼四部誅詆三學濟濟安心行道以報國恩登即漸息干戈日就豐樂嘉祥靈應史不絕書四海晏安六合同慶後封禪岱嶽世致太平至煬帝屏

微十

二三

除寺塔流擯僧尼繕造奢華萬事過度天垂
海外親自征行禍及無辜殃鍾身世見前可
驗何待將來論衡云俗儒好長古而短今言
瑞則渥前而薄後不非古之虛美而責今之
實論信久遠之偽詞忽近今之實事不知指
馬之妄而競儒墨之談膏肓之病固難治矣
觀夫釋氏之爲教也大矣哉包羅三世囊括
四流方萬像之列太空譬八河之歸滄海至
乎博尋子史覓覽經誥六宗七廟之典五玉
四望之儀丹笥金版之文名山石室之記玉

檢芝泥之冊雲臺麟閣之書清分濁泮已來
鳥跡書契之後赫胥稟陸之曠天皇人帝之
前斗杓之所攜臨輪鳥之所暉浸地輿迥邈
天角遼長補鰲折柱之靈刊山剗海之異立
功立德之道一陰一陽之言禾黍藥石之所
基衣裳宮室之所肇恭玄祀黃之典五禮六
樂之制勛揖華讓之則湯征武伐之威金勝
零雨之翁泣麟傷鳳之叟莫不事極寰中而
理盡域內者也豈知上界縈二死之患下方
抱三塗之憂苦海漂淪愛河綿遠是以大悲

出世導彼生盲開八正之門開五乘之路宜
忍服戒珠之旨啓優波木叉之規遂使體施
飛禽軀投野獸列國都城方之脫屣矯域慢
瞋棄似遺塵正欲去此四蛇息茲八苦永斷
生老病死無復怨會愛離一罪受形長辭毒

數十

三

器況復乘雲寶殿號曰天宮帶地珍臺稱為
淨國八行玉樹四照金樓百味香餐三鉢輒
服動足飛去無煩列子之風妙樂騰聲詎勞
蕭史之吹故知花樓碧璫暫暉於地府琅枝
珠藥失彩於天津矣夫釋迦者譯云能仁言

德充道備堪濟萬物也然法身二義一曰真
實二謂權應真身謂至極之體妙絕拘累不
得以方處期不可以形量限有感斯應體常
湛然應身者積劫行因億生求果和光六道
同塵萬類生滅隨時脩短為物形由感生體
非實有權形雖謝法體不遷但時無妙感故
莫得常見也。世說曰魯人尚不貴東家丘
邪見豈信有西方佛根深難拔悲夫或者問
曰豈其然耶請喻斯旨論者對曰子不聞乎
夫瞽者無以與乎文章之觀聾者無以與乎

鐘鼓之聲蓋知十惡波浪易動心源萬善枝
條難抽意樹良以凡夫顛倒渴愛所燒妄想
攀緣身心放逸激五欲浪漂二死河常在黑
闇崖下無明波底長夜睡眠處於夢宅莫醒
迴天之醉詎知迷亂之色昏昏永劫役役偷
生乃復隨逐邪師親近惡友咆嘯狂象放恣
心猿起六十二見之山汎九十八使之海耽
湎行廁戀著畫餅扇八魔風吹三毒火縱六
入賊盜五陰滅不憂二鼠之危恒興四蛇之
怒信其牛羊之眼發其梟獍之凶於是五我

慢懂聲自大鼓翻覆毀譽之口誇伐儒墨之
談反表爲裏顛裳爲衣破俗傷真聞朋亂友
陵辱三寶欺侮二親輕忽冥祇訶罵風雨與
鬼神爲讎隙與骨肉爲怨憎自矜自高不仁
不孝恃其管見愚謂指南何異蛆蛆之甘臭
帶鷄鴉之嗜腐鼠以毒爲羨深可畏哉靡慮
將來之辜不愁地獄之報嗟乎肆一言之禍
招萬劫之殃致使沉滯幽陰淪歷惡道入銅
狗銅蛇之網居八寒八熱之城鋸解磴磨爐
燒鑊煮餐灰食火散雪吞冰處處焦然心心

苦楚百骸九竅繚亂刀鋒五臟四肢紛披劍
鏑所以然者皆由撥無因果謗出世間破和
合僧不信正法邪見根深之所致也況復捨
身受身常縈三界從獄入獄不離三塗大聖
觀已興悲至人爲之流慟故知善惡之理如
響應聲報施之徵似形逐影可不慎歟可不
慎歟。詔云棄父母之鬚髮去君臣之章服
利在何門之中益在何情之外損益二宜請
動妙釋法琳聞至道絕言豈九流能辦法身
無像非十翼所詮但以四趣茫茫漂淪欲海

三界蠢蠢顛墜邪山諸子迷以自焚凡夫溺
而不出大聖爲之興世至仁所以降靈遂開
解脫之門示以安隱之路於是刹刹王種辭
恩愛而出家天竺貴族猷榮華而入道是以
悉達太子去袞龍之衣就福田之服誓出二
種生死志求一妙涅槃弘道以報四恩育德
以資三有此其利益也按佛本行經剃髮出
家品偈曰

假使恩愛久共處 時至命盡會別離
見此無常須臾間 是故我今求解脫

微十

二十六

永樂北藏

破邪論

破邪論卷下

音釋

也	總	名	篇	籍	博	涿
泐	汧	汧	錄	古	鹿	竹，角
汨	水	苦	也	切	山	切
切	亡	切	檢	狃	名	切
汨	深	切	玢	切	繳	賤略切
沉	古	切	泥	北	切	瘦
貌	忽	人	切	寒	芭	去己切
磅	磅	磅	綈	杜	奚	厚
各	切	切	切	切	切	切

第一五册

磅磳廣薑丑戎切胡結茵渠殭切螭古
被也胡桂切姑古也杜同婉順於阮切夔魚傑
螭切胡切蟬屬也
胡切蟬屬也
夔變切莫胡切驚馳亡過切褒於容切跬丘
怪也半忍九切煬餘章負逵也切筍相吏
步切也雜也切儉儉切揅花鳥可切揅樣
竹器滕絨徒登切臉而臉也揅花鳥可切揅樣
也
咆切薄交嘯切蒲沒獍居慶切螂蛆
螂也蛆毒鵒赤脂切鍰五各切刀
蟲也